

清初名儒年譜

陳祖武先生選
清人年譜系列

◎本社影印室 輯

◎北京圖書館出版社

陳祖武先生
清人年譜系列

◎本社影印室 輯

◎北京圖書館出版社

清初名儒年譜

⑪

序

吾嘗痛國家當新故乘除之際君臣之義禮義廉恥之防
掃地殆盡而乾坤之所以不息人道之所以常存端賴二
三遺佚抱道自重之士死生不顧利害不知獨毅然以一
身繫名教綱常之重吾觀明之末季抗節不屈之士泰半
出於山林韋布之徒而關中三李尤飛名海內照人耳目
向讀三先生之傳畢然想慕其人然亦僅知其畧意而已
山陽吳蓮溪太史與余同參清史之役朝夕過從近始出
其所爲三李年譜示余且屬爲之序觀其彙刺羣書詳稽
博考凡情事之外迆年月之柴虎莫不曲證旁參爲之一
一訂正以徵信後世至其足跡所至執經問難之徒同氣

應求之侶皆與附識名貫以誌當時有朋自遠之樂焉處
富哉何其備也是書譜二曲先生最爲詳賅其一言一行
凡足以扶持正學裨益人心者罔不備載於篇至雪木天
生則就其詩文以求事實逐年編輯而兩先生之文章氣
節已備具於是然則此二譜直謂之詩文箋註可也昔者
孔子嘗歎中行不得與而求其次於狂狷又曰吾黨之小
子狂簡斐然成章蓋二者皆可進於中行之道故聖人思
所以裁之竊以二曲之學似子夏聖門之狷也雪木之學
似子張聖門之狂也天生則博學多識與子貢爲近者也
三子者雖不同道要其高尚之節皜然不滓之懷孔子所
謂不降不辱歸潔其身則一而已矣雖然士之所遭有幸

有不幸焉順康之際上有求賢若渴之君士之抗節不回者亦必溫詔優容不强脅以奪其所守下之學士大夫有適館授餐之雅往往聞風慨慕爭相聘問下榻留賓一時之樂道尊賢者深以國有顏子不知爲恥且有割田買宅以濟其困而恤其貧者不意至今二百餘年餘韻流風竟寂然消滅不復聞於斯世士之歌南山而賦北門者所在皆是甚至播棄黎老殄絕斯文不惜唱焚坑之議以禍我國者士氣之衰人心之喪失一變至此益使吾人穆然遐想三子之所遭爲不可遇也戊辰孟夏新城王樹枬

時三子之視世爲不可救也凡氣而貢諒如王樹碑

固者士族之衰人亦之壯矣一變至此後與吾人外爲

其甚全辭棄棄去無所謀文不辭言焚此之類以臨

其然其詞不歸出於漢世士之知南山而無北門古

以爲其詞而歸其言不意至今三百餘年猶歸而無

之舉焉尊賢者始以四自爲主不世爲師且齊世田

國書以發之雖谷谷開風潮暴介附則問不辭留寶一

言亦必品端與客不辭言其奪其利害不之學士大

亦不率其觀與之類士育未賢客斷之吾士之其前不

序

關中學者清首三李而二曲最爲儒宗實踐躬行守死不貳晚年獨營堊廬屏絕妻子終其身在家國之喪可謂醇乎醇者矣天生以文學名海內而慷慨有豪俠氣同時諸老尤與顧亭林傅青主善天性醇摯陳情一疏世以比李令伯雖出處與二曲小異而二曲引爲宗弟惜受祺堂集今佚一卷家國之際微言遂絕甚憾事也雪木行事頗少概見要其堅苦卓絕爲二曲一輩人觀其展轉太白山中餐冰飲雪而意氣浩然不改其素讀櫟葉集識議精闢如見其人蓋不羈之才而獨行君子也三君者處境各殊學亦不同而志趨則一皆遭易世之後懷玉被褐遯世而無

悶困阨窮餓而不悔夫士有負才挾智蹈險蒙辱以赴事
機之會或至一切不顧以圖饜所欲而快一時之意卒之
身敗名僂者何可勝道其或僥倖成功於萬一而生人之
遭其楚毒者已無噍類而斯世亦陸沈矣其視三君爲何
如哉今去三君二百餘年矣書缺有聞著述之存者至非
故家好事莫能有之後生學子每不能盡悉先賢立身本
末蓮溪先生儒林耆宿魯殿靈光修史之餘慨焉興歎懼
去古愈遠文獻無徵高詣孤芳將墜於地於是搜羅放佚
探討舊聞參校鉤稽年經月緯次三君行事爲三李年譜
凡以發潛德之幽光起學人之景行風衰世而厲末俗者
其心苦其勤至矣書成屬序於余余惟鄉先賢之行誼賴

是書以廣其傳而蓮溪先生之功其存於世道人心者甚鉅曷敢以不文辭爰慙付剞劂而樂爲之序戊辰夏五蒲城井岳秀

叙言

余髫齡時聞諸先大父言吾族自明由山西移居來陝始爲蒲城人始祖諱義甫公與天生先生之始祖同名焉至詳細巔末則以年代湮遠而家乘又燬於兵燹無從稽攷時引爲憾每欲旁徵博採又以案牘勞瘁不獲如願商山吳太史蓮溪先生品學精純名高山斗濬源公務餘暇時相過從先生著有三李年譜一書凡歷十四寒暑慘淡經營堪補史冊未備發潛德之幽光示來茲以正鵠守先待後之心如或見之書成擬付梓民公諸海內詎意昊天不弔不憖遺一老而先生返道山矣迺者其子永燁賡續遺志醵貲發刊以濬源係先生忘年交且

又與聞其事走丐一言

濬源

義不容辭兼慶吾族來陝之

緣起亦於是而得借鏡焉爰忻然而爲之叙

昔歲次己巳桂月下澣鄉後學蔭山李濬源叙於燕山邸

次

自序

年譜之作肇始宋代或出自賢子孫之纂述或出自門弟子之甄綜去世近而見聞真詮次自易若歷世久遠景仰遺徽網羅放失年經月緯編訂成書求無訛脫蓋綦難矣吾秦當有清之初人文頗盛隱逸爲多王山史孫豹人王復齋雷伯籲諸賢其卓卓者而當時雅重尤以三李之道爲最尊說者不一或進河濱或進岷瞻而皆退雪木此特主聲氣言之至於泉石煙霞志同道合自必以天生伯中孚而仲雪木之語爲斷二曲抗節不屈尙矣天生以母故勉應鴻博徵授職未就遽乞養歸終身不出與雪木遵母命應學使試母沒卽棄巾服同一錙塵軒冕不渝初衷蓋

三先生身遭易代，惓念先朝，至今讀其遺書，故國舊君之思，油然而溢於楮墨。道德文章，均足信今傳後。國史列之儒林，有以也。二曲年譜，門人惠玉虹大令會輯，歷年紀略，後百數十年，牛雪樵廉訪病其未完，續以潛確錄，然始末終嫌弗備。雪木天生年譜，闕如。考獻徵文，不無遺憾。懷情生晚去三先生世二百數十年，妄不自揣，僭筆餘暇，繙閱遺著，推求行蹟，旁逮史志傳記，一言涉及，莫不甄采，以廣舊聞。卽平日所與往還，亦仿張石州譜、顧聞兩徵君例，附識名貫，歷略藉資考證。昔人紀載，偶有失實，必爲辨訂，俾足傳信，非敢立異也。其有分年編次考證，無從則逆之以意，或竟闕焉。歲歷五周，稿凡四易。友人慫恿，遂付手民。世有

讀三先生書者考鏡斯編或不無論世知人之一助其間
舛漏當亦不免尙希博雅匡所不逮幸甚襄斯役者漢陽
李惺樵開戴海珊金華金雪孫黥朱少濱富平王仲意毛
汲初郿王海洲雒南王棫丞同邑陳魯齋阮康侯諸君或
加訂正或代搜訪例得備書歲在乙丑花朝前二日山陽
後學吳懷清蓮溪父序於都中福延行窩之默存齋

關中三李年譜徵引書目

太宗實錄

國史部院大臣年表

聖祖實錄

國史臣工列傳

聖祖本紀

國史儒林傳

大清一統志

國史文苑傳

大清會典

國史貳臣傳

欽定勝朝殉節諸臣錄

國朝館選錄

國朝御史題名錄

陝西歷科進士錄

明史

畿輔通志

順治丙戌進士履歷便覽

安徽通志

江南通志

山東通志